

天方至聖實錄

天方至聖實錄卷之十六

感應補遺

吾聖感應萬端、不能悉紀、前篇所載、年月可考、其有年月、無考、而歷見于經傳者、補附於後、

迴夕照

戰陣誤哺禮、日已下地、聖亟跪地、禱曰、主也、若爾慈憫衆生、事當若何、日忽躍起、高地三竿、哺禮畢、日落、

合國月

聖人初行時有外道難之曰果爲天使必有
奇徵聖人曰吾道以常不事奇異衆愈戲難
之曰必令月破吾人乃服聖乃默祈于主月
終而分衆謬之曰衛也迨至遠國馳驛報異
衆乃飲服

聖人現

吾聖生時天現異星天下見之占奇議異而
來朝者以萬計聖人歿星隱

夷火熄

夷火者、拜火人所之熾火也、正當熾火時、聖
人生、倏皆熄滅、

萬壚中流

天下四海居大地之四圍、有中海居大地之
中央、卽墨克海也、中海之流恒流于四方、而
中海恒滿而不竭、聖人生、四方之海皆會
貫于海中、而中海如常、亦不溢、此聖人生而
萬國來朝之象也、

天下毀佛

自吾聖生天下知佛像之無益毀淫祠除佛像沙汰僧尼者不可勝數

縱麀

麀爲士獵訴于聖曰有乳麀待食乞還哺之再至聖人曰信乎麀矢之曰決不失約也縱之果如期而至聖嘉其信復縱之

徵鳥

外道人不服聖化詰之曰天差何徵而爲天

差時有飛鳥啣金箋落地視之有穆罕默德
是主欽差之文

樹證

聖旅次見途人奔遽呼而止之曰行何遽對
曰還家聖人曰如此之遽奚可以還家途人
悟請曰必如何而可以還家聖人曰念清真
言還家矣汝云萬物非主惟有真主穆罕默
德是主欽差途人曰是亦有徵乎聖人曰是
物皆徵也側有樹忽作吟哦聲曰直躬作甫

真主與差三遍途人驚倒伏地願服教

樹行

一士未信聖之爲天使而問徵聖人曰汝語
溪邊某樹天差呼汝士忍不言樹忽搖動裂
土而起根鬚墜墜若人行至聖前作色喇目
聲聖命退樹歸原所士大駭叩下聖止之曰
勿勿人不與人叩頭也士曰莫尊于天差矣
聖人曰天差真主之奴也人人皆真主之奴
類與類不施其尊尤至尊乎額也者人身至

尊之位也。只可以奉至尊之主。奚可施於同
倫。若其可施。則婦可施之于夫子。可施之于
父。臣可施之于君矣。以有至尊之主。在故均
未可也。士曰。然則卑之于尊。何以爲禮。曰。以
口親地。親門庭。親足。親手。以等以異。士乃以
口親聖足。依依服教。

枝垂護體

聖野園樹下。羣枝委地。互結若編籬。遮護聖
體。

地裂吞垢

聖每遺垢地自裂吞之復掩

藁證

野人聞聖德進藁穗曰敢問天差之證聖人
曰卽藁穗可證也藁穗忽吐人言曰我證委
實爾穆罕默德是主欽差野人驚倒入教

狼證

默底納之野狼奪羊去牧人追之狼拒羊于
壘巔呼曰主賜予祿爾來奪耶且爾一羊不

可失兩世之真人而不知奉耶牧人慌怯歸
城告于聖聖曰禽畜如此爾無知耶牧人遂
服教歸計其羊狼奪者仍在

山石草木讚頌叩頭

聖人行門弟子從之隱隱聞忒思比合聲讚
誦聽之乃聖手握砂子也傳之補白克仍
傳傳之厄納思聲止矣傳之歐墨爾歐思茫
手復頌不輟

爾里從聖行于墨克之郊見山石草木皆與

聖王

頭道色關爾里驚怖聖慰之日萬物皆讚爾不知也

遊克爾白際立石與聖叩頭道色關朝覲人

歷歷見聞

阿以涉曰

一切山石草木俱與聖道色關吾

歷歷聞之

查必爾曰

一切山石草木俱與吾聖叩頭吾

歷歷見之

山嵐證聖

聖坐于門人會館有獵者攜山嵐入指聖而

問曰、是爲何人、衆答曰、真主欽差也、獵者嗤之曰、指蹤踢汚、禱二活爲誓、吾決不信汝爲

佛名

天差也、山鼠忽吐人言曰、予爾應答、予爾慶幸、爾乃聰明歷練之人、聖人曰、吁、山鼠疇爾屬之、山鼠對曰、寶闕在天、法令在地、道行在諸海、科責在人、賞在天、罰在地、禁者、吾其屬之、聖人曰、予爲何人、山鼠對曰、真主欽差、萬聖領袖、信爾者昌、謬爾者亡、獵者聞竟大驚、伏地請罪、遂服教、并縱鼠

駝羊叩首

聖遊于士圖、駝與之叩頭、士亦叩頭、聖禁之、曰、人不與人叩頭也、

補白克見羊與聖叩頭、曰、羊且知禮、弟子至合爲之、聖人曰、佛人爲萬物之至尊、同類不相叩頭也、吁、補白克汝知人額之尊貴乎、曾嵌吾元形之寶光、曾受諸天神之叩首、斯真主寶鏡之臺也、

歐墨爾曰、兩間之物、莫不與聖叩頭、以莫不

知聖爲天使故聖人之駝必先叩頭然後負
乘○聖駝所至處山獸畏之○聖人歿駝不
食不飲繼聖而亡

鵠編棚

聖開墨克日萬鵠盤旋于空中入城時編翅
爲棚日晡乃歇

愈病

胎瞽求明聖爲代祝遂明并能視物于夜
一士病渴使人求治于聖聖撮土和以唾津

授之使竊笑其戲病者信而啖之愈笑者倏得渴病死

哈比卜月病至瞽黑睛全白聖憐之名至以氣吹之白睛轉黑雙瞽復明年逾八十而能穿針

庫立蘇本吳侯地征胸膛中箭聖以唾津塗之愈瘡疾俱除

海北邇徵賽里墨毒箭中脛命危聖以氣吹之安

宰篤足被劍傷聖吹之愈

濠徵爾里脛折不可下鞍請聖吹之愈

爾里嘗病一日病不能起聖臨視爲之祝曰
主也治之安之旋以足蹴之爾里應蹴而起
無復再病

穆爾與空白得爾徵被厄卜折害斬手絕提
手見聖聖以唾津粘之手續勇力益甚
何比卜白得爾徵遭劍削肩膊半身皆廢聖
以手撫之愈每禦敵爭先壓衆

一婦携子至訴曰。若子喑啞。聾聵。妄無所抵。
聖取水盥漱。而飲子。以手撫其胸。抹其面。子
忽明。誦清真言。服教聰明。逾衆多學。皆通。
一婦訴子顛疾。聖以手抹其腹。俄吐物如犬
羔疾。祛。

一士欲隨征。手掌有肉瘤。不能執劍。并不能
提繩。訴于聖。聖以手掌合之。瘤滅無踪。
阿必得被擊。頭破血流。訴于聖。聖誦都阿吹
之。血跡無。頭亦整。面光如滿月。

韓作勒頭瘋痛甚，聖以手摩之，痛止。

民有痲瘋，居人惡之，欲去其國。聖憐其貧而無處，以沐水遺之，沐浴而痊，皮膚粉嫩如少女。

癩疾久不愈者，乳兒驚瘋，諸醫不治者，得聖吹而愈。

一士癰瘋遍體，得聖沐水抹之，全無。

阿以涉患頭痛，聖以手摩之，愈。

一人夜行着邪魅，聖命沐浴虔誦清真言數

通而愈

起
死

一外道其女落澗而死，告于聖人，願服聖教而救女。聖問其女名，呼之，女應呼而至，咸服教。

一少年亡，既殮且殯，有兄瞽，痛悼甚，奔訴于聖，曰：「吾弟方欲遷，信服聖教，不幸早亡，瞽無依，聖爲之祝尸，忽躍起，頂棺而出，解殮而索食，兄弟咸服聖教。」

查必爾二子戲于高臺、兄戲殺弟、死、兄驚跌
臺下、折頸亦死、時查以餉聖軍故、匿之、迄聖
至、供饌、聖命二子陪食、查托以出戲、聖人曰、
不得二子誓不食、夫婦號痛、告以故、聖慰之、
曰、母悲命其母呼之、二子應呼而至、嬉戲如
常、陪食焉、

一士陣亡、母老無養、悲訴于聖、聖命覓尸至、
捧手告祝、尸忽躍起、如寢興、

酒必惕亡于蘇、馬默征、旣葬、砌門已、忽穴內

有聲曰、穆罕默德天使哉、補白克忠信哉、歐
墨爾捨希德哉、歐思茫在右、獨慈之主哉、急
啓門視之、仍寢也、

宰篤卒于默底納之野、盤載歸城、諸婦號痛
哀泣、忽聞櫬中有聲曰、真主欽差萬聖領袖
生而知之大聖也、所言真、所行實、四配之繼
立襲位盛矣哉、吁、吾不能目視其盛矣、吁、天
差色喇目在爾、慈憫吉慶在爾、急啓櫬視之、
尸已僵、

落髮驅魔

哈立德爲逆魔魅取聖落髮三根藏帽中邪魅祛到處逆人畏之較先勇加十倍

衣物除疾

聖後世人取其食器如碗盞之類盛水飲可愈一切病

補白克女藏衣一襲曰聖服也凡病醫藥不効者取衣服之或以水濯衣而飲其水或以水抹其疾卽愈

聖甘泉井

聖陞落厄納士井甘冽冠通國

滲滲泉素稱清冽聖陞落井遂發甘香以之
和藥無病不治攜之涉海遇颶卽息祛邪僻
毒見効實多

或人以聖沐水傾古巴井中永不竭

聖過苦泉欲取水衆啓曰苦水也聖曰否甘
泉也汲之果甘香無比

餒療饑渴

偶階立子曰聖飲麪湯吾乞其餘而飲之每
一念及饑時則飽渴時則消

折枝化劍

歐陽舍曰德爾征劍廢聖取片木予之斬將
奪旗對敵殺虎無不如意

哈哲實劍失聖予以棗枝忽化爲劍利勝賓
錢

遺木爲燈

格他得從聖夜行畏黑聖人曰從吾則不昧

明日授格他得寸木曰佩之入夜可當明燈祛邪僻惡佩之果然

手媼爲妍

格他得覩醜人惡見之聖以手抹之遂丰麗異常后幸納卜色較諸后爲差恥不先事聖以沐水醮其面遂成絕色

爾體白體臭每事過後聖命以其沐水抹之遂發異香終身不改

指羸成壯

駝牛羊馬凡經聖手摸過卽肥壯超羣飽乳
蕃息聖遷默底納路途乏食乞羊乳于老嫗
嫗對曰旱荒羊不得飲無乳聖指簷下曰若
羊有乳也嫗笑而唾之曰是羊數日不食羸
極矣聖曰汝試取之羊忽跳起乳囊滿欲滴
是羊活十八年肥壯稱異蕃息數萬

餅敷雲沐

庚代比葉微拜時至而無水僅得一餅奉聖
聖以沐訖傳餅查必爾沐訖復命查必爾

餅各營傳水，千五百人俱得沐，而餅水如故。
指灌全營。

全軍無水，不能炊。聖命各營取器，至聖以指
納器中，旋得滿溢，分灌不竭。及起營，眾水全
收。

升麥餉千人

濠征時，有士欲餉聖軍，止升麥隻羊，或告于
聖。聖命治僦烹羊，俱存釜中，伺聖親餉。千軍
俱得飽食，而釜餽盈滿如初。

囊粟足三軍

軍旅行急不暇炊，且饑甚。聖命士取囊粟，沿途馳送，探囊取給。三軍飽食。

命地棄尸

有書吏盜器入逆死。聖人曰：「若人也，地不掩尸，既葬，地隨棄出。」信至厄卜脫里合，往視之。暴于地，問土人對曰：「葬數次而地出之，爲狼狗盡。」

折杖自斃

歐思莊執杖逆人奪取屈膝折之衆驚叱之
曰此聖人杖也逆譏笑而去俄而足脛浮腫
至絕而死

天方至聖實錄卷之十六終

天方至聖寶錄卷之十七

滇南馬 注著

金陵劉 智註

至聖讚

有天地而後萬物生有日月而後天地明有聖人而後教化興

此言聖人與天地合德與日月合明而與天地日月同功也以實言之生聖人卽以補天地日月之不逮也天地日月形其表聖人神

其理者也

隋唐之際異端蠭蠅鳴羽西方紀綱廢而尊卑
倒置主折節於闍黎教道衰而真傳墮編民稱
尊乎釋梵

蠶口蜜芒毒蠅內汚外刺蟬鳴鼓翅驚人皆
喻異端邪說之不可近也自異學行而正學
衰弱人綱國紀顛倒混亂君君臣臣父父子
子之道不可問焉以故君親反拜貴賤瀆倫
庶民止知有佛而不知敬畏天命大人矣

普天長夜目瞽耳聾賢愚爲之失路仙神爲之
靡依日月爲之失明乾坤爲之減色

異端一熾聖學不明雖有天地不足以位尊
卑雖有日月不足以爲明照是非顛倒人心
惑亂莫之適從矣經云聖人者天地之澄其
闡此歎

若世亂紛爭罔知其主

周代八百諸侯皆各主其主而不知周天子
爲天下之共主也諸家禮天敬地拜佛祈神

而不知敬事造化天地神人之主爲真主亦猶是也

大哉聖人命立天地之前挺生萬聖之後

天地未有之先萬理具足而吾聖之命爲萬理之根原天地旣形之後萬聖代出而吾聖爲萬聖之封印所謂集大成者先天而天弗違後天而奉天時其在此歟

泥丸毓秀仙樹登名

天地初開人祖肇生額嵌寶光卽吾聖之元

形也。普世之人皆始于一點，所謂種子也。此百千萬億點皆藏於阿丹之脊背，惟吾聖之一點嵌于阿丹之額頂，所謂泥丸宮也。傳曰：普世之人根于普地之土，吾聖之元形乃天堂之香泥也。天堂有樹，廣大無量，枝葉婆娑，葉皆著吾聖名號，而天堂諸有皆頌讚之。

感神光於鼻祖，肇元命於先天。

鼻祖阿丹爲開闢天地之祖也。傳曰：惟鼻孔先開，以喻阿丹也。人懷母腹中，諸竅皆閉，人

祖初生遊歷諸天見天額云穆罕默德是主
欽差不知其爲何世何人真主勅命曰乃爾
之子孫萬聖之領袖也阿丹思見其人命下
曰降汝當體有其元形舉指可見阿丹遂舉
食指額上泥丸之光映於指甲而于甲鏡之
中見聖光焉元命者萬命之元卽先天萬理
之根原也大哉乾元至哉坤元資始資成之
謂也

聖哲天縱鍾靈異於初生

吾聖生而神知不學而無所不通初生卽掩
面遮羞躬叩真主口呼教生執印取綸讚主
頌名行禮尙右不嬉不戲不近佛室不觀祭
賽孩提時儼若成人

卷七 神奇兆祥光於東土

周文帝時天見異星太史占之曰西域有大
王入出使使求之聖使鎖哈白偕使來東敷

建懷聖光大寺於番居之

番州廣東省城

動星辰犯火水會百川而中注

吾聖初生，妖星亂墜，夷火乍熄，夷火者，拜火人所熾之火也。正當熾灼聖人生，倏皆熄滅，人不知其故也。天下有四海，居大地之四圍，有中海居大地之中央，中海之水恒流於東西南北四方。當吾聖生時，四海之流皆中注萬海朝宗之意也。

崩帝闕殛象兵驚鬼神以夜號

聖初生時，啓思喇王之宮殿崩塌，啓思喇無道君也。後因不信聖教，遭神殛死，此先兆也。

厄卜爾海北涉王之逆族也欲毀克而白以
象兵來勢甚凶湧真主命小鳥啣沙子擊之
人象俱死正當聖初生際也時天下邪神惡
鬼聞聖人生咸驚泣夜號相謂曰大明獨世
人不能爲用矣

佛仙倒塑證聖天符

聖人生天方之佛像倒撲於地遠譯之佛像
祈禱無靈凡稱活佛者皆啗啞失智一切術
數占卜之事皆凶吉成毀反常無應當此之

時天下萬國皆毀淫祠廢佛像驅逐僧尼道士知其無所用也聖人之生應天順時與古經所載之年月日國土名籍及一切祥徵瑞應無不符合是以古今稱之爲聖天下服之爲聖卽聖亦不得不自任之也

光瑩靈雲頂覆

吾聖胸臆之間生有肉阜如印蒼質赤文曰奉天闢化見者莫不傾服其爲聖行止之際有白雲覆頂人亡其處視白雲卽得

香馥馥以侵衣，蠅脩脩而避體。

吾聖身發異香，透體襲人所到之處，留香三日不散。蠅不近體，蓋蠅不歇至潔處也。更畏馨香。

若夫廻父照分圓月，感萬衆以輪誠。

畢陣悞瞞，禮日已入地。聖亟跪禱曰：主也。若爾慈憫衆生，事當若何？日忽躍起，高地三竿。逆寇難聖曰：若道果真，月可破乎？聖默祈於主，月忽兩開，良久乃合。由是千萬人咸服願。

教

歷幽明親對越登九霄而直上

九天七地之所在。有色界。無色界。無無色界。聖於一變之際。遍歷無遺。亘古通今之事。已往者。未來者。現在者。今世一切所有。後世一切所有。賞罰善惡。以至萬有歸復之竟。聖於一頃之時。脩覽無漏。而于九霄之上。對越真主。親聆妙諦。凡一切禮制威儀。垂萬世而不易者。皆于此際定焉。識者曰。聖人登九霄而

見主猶寶鏡出匣而爲照也非主在九霄之上也主無方位也

懸石作千年之證意與杜衆庶之疑

吾聖登霄乃由古天房踏石而上石隨足起棄石而登石遂留於空至今不墜見之者莫不歎鯨不敢過其下留以作登霄之一證當時聖登霄還述其所歷所見士有疑者謂一霎之間何得遍歷如是事多歸第見婦剖魚取水河邊俄變爲美女會王子獵取之歸土

餘年生數子，富樂極矣。偶憶往事，修復原形，
甞赴河邊，水器仍在，亟提水歸，婦尚烹魚未
熟，大駭。趨聖，聖尚講登霄之事，未竟，舉其所
歷聖命記之，以作登霄所歷之一證。補白克
先賢曰：聖人之事，一瞬千秋，萬古一久，安可
與衆同語。聖人曰：真主尊前，無晨夕也。

大道於是方興，智人因之始悟。

自爲聖至登霄，近十二年，其立教行事之禮
制，尙未大定，亦未盛行。迄登霄而後，則人心

大定教道風行遠國之人多來歸服何也千古未見之事於登霄見之千古未明之禮於登霄明之愚人不可以言解而智者復難以理謾故聞登霄之事不能不心折而順服也

大哉聖人教闡千聖之後道徹天地之原

佛赫國王行二氏教遣使謁聖問造化根源歷代因革答之曰萬化起於真主萬教歸於末聖王大服曰聖人教闡千古之後道徹天地之原

若夫受真經、遵明命、擁天仙而服鬼神、統御三才。

吾聖爲聖，非自居，非人稱，非徽號，乃真主之明命，敕之以經書，代主立極者也。故能統御三才而在天之神，在地之祇，人世之帝王臣民，莫不仰瞻而遵順之。

作之君，作之師，奉天討以正羣，逆明幽而濟。

凡聖人有德而無位，則不能專征伐；帝王有位而無德，則不能興治教。吾聖則德位兩全。

聖人之德能幽贊乾化而不能明治愚頑帝
王之威能明伏豪強而不能幽制神鬼吾聖
則明幽兩濟

明徹高厚化及蠢靈

此總結統御三才明幽兩濟之義感通之理
畢見於斯矣

感毒羊之異蛛羅擁白帝之軀

海北邇虜婦以羔羊入毒供聖羊忽吐人言
曰天差勿取吾染毒矣執婦殺之遷縣麻績

逆寇追急，潛入洞中。蜘蛛遂結網洞口，寇至見蛛網，遂不入。隋文帝稱吾聖爲白帝真君，作放麀之惡鳥，啣篆真人之牒。

士微得麀，麀告於聖曰：有乳麀待食，乞還哺之。再至，聖人曰：信乎？麀誓曰：必不失約。縱之如期而至。聖嘉其信，復縱之。麀曰：天差執一而失三矣。執愛失吾約，失士祿，失吾生成之義。聖乃命決于士。士曰：來斯信矣。吾體聖愛而愛捨之矣。真主造爾，豈爲我食耶？竟縱之。

有外道不服聖化難之日天差亦何微而爲
天差俄有鳥啣金牒落下有穆罕默德是主
欽差之文

化洽人神誠感鳥獸

此又總結感化萬物之義吾聖晝勸人夜勸
神神之奉教亦猶人之奉教也

大哉聖人道傳千聖之宗忠竭萬天之主

列聖相承傳其爲教之儀制而宗旨在其中
宗旨者何萬行歸一是其所奉之主也然而

賢知愚不肖不明主爲何物各用思維不免
過與不及之病惑於異端邪說吾聖教人先
認識造化天地之主而一切禮制功夫俱從
主起諸家竭忠於天地神人而不明造化之
主異端邪說乘其虛疑而入迷於鬼怪妖魔
之妄吾聖教人竭忠于造化天地神人之主
凡主之所造者絕不與事則無疑矣此吾聖
之教所以歷遍天下而不易垂之萬古而不
移者蓋有由矣

感格牙之異二百年母子重逢

聖世之前密速爾國王排路格牙初卽位、閱
庫有庫封錮甚密、發之內有櫃、櫃有匣、匣有
古經一冊、脩述末世聖人穆罕默德之出籍、
德性卽辭母棄國、求聖於四方、遍歷海山、不
得二百年方歸、及歸見故國之風景如舊、而
母子相見、叙往事如昨、

破泥法之惑七千人心脫誠服

二氏首領你法格尼嫻熟四教經書、通古金

之學率七千人以問難來千問千答咸歸服

聖教

另有千問錄

見祥星於天闕望紫氣而識所生

聖世天見異星普世見之占之知天方有聖者出皆載寶來朝朱乎得忒爾撒兩教學人見星皆驚曰末世聖出吾教不能久立矣皆欲謀殺之聖初生時紫氣祥光覆蓋宮室識者見之曰此貴聖生矣

落明月於宮懷盼白雲而知所處

聖后赫底微幼爲女皇時、夢月落懷中、占者
曰、當有真聖人出、合配之、聖自初生、卽有白
雲罩頂、隨其出入、人見白雲、卽知聖之所在、
照臨之下、影不留塵、覆載之中、心非住世、

吾聖立日月之下、光勝兩耀之明、故無影、若
曰、聖卽光也、光無影也、聖居塵寰之中、而心
遊物象之表、故無住、若曰、聖卽天地之本然
也、本然無住也、

嗔怒氣於醜墓、掩塵埃於朽骨、

爾里烈法土默於聖、聖諭爾里曰、爾去某處、見物卽食、爾里往、見一蟻、醜甚、惡之、不得已而啖之、覺甚美、歸復聖、聖曰、卽爾之怒也、初啖爲艱、咽之爲美、拂意之事、莫美於忍也、鎖哈白郊行、骨刺足中、痛甚、知爲罪罰也、請戒于聖、聖以手拂之、出其骨、大如麥、命以金覓之多、金莫能重、奇之、復命以星土加骨上、覓之、遂重、愈奇、請解、聖人曰、人之生也、貪得無厭、使土掩之、貪心息矣、

吝瓜分棗割帳解衣

譚地進瓜、聖割食之、使出衆士請曰、天差每食、必先衆、今也則否、何故、聖乃分其餘與衆、味甚苦、棄之、聖人曰、若彼時與爾衆、必愧來人矣、是瓜味苦而益廣也、鄉人進新棗一枚、聖以分四十餘人、皆得滿口、乞丐告寒、割帳予之、又丐至、解衣與之、迨至拜時、不能赴、幸天敕戒之云、勿過展手、懼念廢政、

若其來樹影湧拍泉道括天地之機

聖野園名樹陰蔽體，樹卽移至，若人行聖行，
旅無水，軍士告急，聖以指納器中，水卽湧注，
如流泉。凡若此者，來去有無，悉聽其呼應，非
道括天地之機者孰能之。

起亡命息刑塚誠回真主之怒

有士陣亡，母老無養，號訴於聖。聖命覓尸至，
捧手告祝，尸忽躍起如常。開塚日有鎖，哈白
查必爾思欲僞軍而不能。聖覺其意，召至曰：
得汝所有，卽足吾軍。對曰：僅得一羊，升麴。聖

喜曰足矣可烹羊治餅母啓餽釜俟吾來自
給其婦忙於治饋有二子戲於月臺見父宰
羊亦爲戲宰兄宰弟死其母以牋兄驚撲臺
下折頭亦死其母以饗聖故欲隱之急抱二
尸入房掩衾下聖至自取饗軍千二百人皆
飽食而釜餽盈滿如故後舉饌獻聖聖曰可
呼二子來陪查必爾遍覓子不見聖人曰不
得二子誓不食婦乃悲號告故聖人曰試呼
之必來也二子應呼而至絕無傷痕嬉戲如

初聖過荒塚，倏止步，拱手默視，良久欣然而去。弟子問曰：「適塚中行刑甚慘，吾不忍見之，因求主赦止形矣。」是以樂之。凡若此者，生死則赦，悉隨其操縱，使非手握造化之權者，孰能爲之？吁！噫！聖人之事大矣哉！

大哉聖人救災災於御問，熄獄燭於長橋。

吾聖愛民慈衆之心大也。今世拯民於水火，去諸迷途而歸正道，後世救人於火獄，脫離罪業而享天堂，當公判賞罰之時而能顧庭。

告蔽使立烈日炕炎之下者得蒙陰蔽而獲
清涼趨長橋火焰之上者荷其遮掩而得安
渡至於千古聖人帝王當御問之時堦橋之
際莫不告底於吾聖以保安寧焉

仙神稱頌庶類瞻依

天地神祇無不稱頌其德靈蠢物類無不瞻
依其化先天地頌其開化之功能中天地頌
其德教之廣被後天地頌其仁慈博愛之恩
榮而先後天之一切理象人物莫不披其光

明而得正路後世之一切功過賞罰莫不賴其是拔而獲超昇吾聖之事大矣哉

孰謂能文愈云天授

吾聖生而知之不由學習天賦能文不施詞藻吐辭爲經舉足爲法天下古今文人才子未能與之匹也

子曰人子普頌欽差

經曰穆罕默德非爾人父也第爲真主欽差也又曰予差爾何爲慈憫普世也時人見吾

聖人土無父母、下無子嗣、根系皆絕、共爲譏之、真主降敕以曉之、若曰、聖人之事、不可以凡等例也、凡人皆根系於祖父、吾聖則根系於真主、凡人以子嗣爲繼後、吾聖則以天下之遵道者爲繼後也、

道不吾行、棄墨克之溺土、

墨克人陷溺於異端邪說、不行聖人之道、聖人因奉命棄墨克、而遷默底納道、乃大行、

德猶可眷採、几杖於棗林、

聖初至繁底納講經說法依棗樹下旣而起
建寺宇設立諭臺則垂高講諭而棗樹夜泣
流液聖喻其意乃斷棗爲杖登臺拄之

恩隆六貴遇有生之列聖

真主以六事貴吾聖人從古列聖未之有也
一以普地爲淨土是處皆可禮拜不必拘於
一處一寺二以捫土代沐浴凡不得水者或
不能用水者捫土爲淨三普天率土遵其教
化至於永世無庸改革四贏財爲義贏財俗
曰橫財

五不須威怒而遠譚畏服六獨得真主隆愛之厚容其救度古今聖凡至於天地神祇無不仰企其庇佑有此六貴故能卓越千古而永垂萬禩也

金井三囑傳玉液於時王

金井聖塚也聖辭世之後數有遺書見於塚上遷都之九百年一見一千年再見一千又八十年又見凡三見矣書義以忠主恕人爲吃緊而以禮拜爲至要也聖陵在默底納塚

上有湯瓶、天生祖母祿寶石爲之、每日五時、
未禮拜前、瓶水自滿、時過則瓶水竭、每日如
是、至今如是、曾密國帝王以此感應而順教焉。

作兩世之首領爲萬天之模範

兩世或謂理世、象世或謂今世、後世、蓋吾聖
有理世爲萬命之元首、在象世爲萬聖之領
袖、在今世爲道統之宗師、在後世爲主闕之
先領也、萬天卽萬世、吾聖之教乃天下萬世

之模範凡爲教者類於吾聖之教則正背於
吾聖之教則邪風俗儀制不無少異耳心同
理同故也

大哉聖人困而能施貴而不驕高而不滿衰而
能勤榮而能屈淨而長往窮神知化復命歸真
此言聖人之德見於身者有如此明武宗皇
帝評論諸教謂侍臣曰儒者之學雖可以開
物成務而不能窮神知化佛老之學似類窮
神知化而不能復命歸真然諸教之道皆各

執一偏、惟清真認主之教、深原正理、此所以垂教萬世、與天壤久也。

明非日月所照者遠、恩非雨露所澤者深、壽莫極於輪格馬尼、富莫極於蘇來馬尼、道莫極於聖賢有時而集、富有時而盡、吾聖之道與天壤久與日月光、雖教有殊塗、下愚不移、或玳瑁角玉盡地而止、若病及膏肓、其何傷於日月之明。

此言聖人之化、被於橫豎上下者如此。

迄今千載而下率土東西遵聖人之化見其
女正長幼序貴賤分親疎別君義臣行父慈子
孝兄寬弟忍夫和婦順師嚴道尊篤忠信禁姦
詭助喪問病息訟解爭顧愛親戚和睦隣里恤
孤弱憫困貧刑罰不設盜賊不興畫地而禁道
不拾遺

此言聖人之化見於倫常日用之間者如此
大哉聖人功同天地之能道冠人神之表宜其
滲滲流波毫光侵斗

滲滲泉名在墨克城內、克而白前靈器殿後、
右稱仙泉、其水清冽甘香、能祛諸邪愈百病、
更能息颶風、海舟多取之、遇風浪洒之、頃息、
蓋聖人感應之通也、聖人墳塚、乃天生祖母、
祿寶石爲之、縱廣六尺餘、塚上毫光日夜侵
雲而起、可望百里之外、蓋聖人道德之徵也、
可謂至矣、可謂至矣、噫、微聖人、吾將安歸、微聖
人、穆民安歸、

天下之歸聖人、若百川之歸海也、歸之者爲

正爲順、不歸之者、爲迷、爲逆、噫、若而人、吾不
能覩其光、幸而服其教、不能至其國、幸而蒙
其化、聖人往耶、未往耶、聖國遠耶、不遠耶、

大方至聖實錄卷之十七終